


晚笑堂画傳 三

漢書門	八九三	函架冊	類號
	三六		

內閣文庫	漢書	八九三	函架冊	類號
		三五		

內閣文庫	
番號	漢 8934
冊數	3 ( 3 )
函號	290 51






馬皇后




亦長  
上以威武治天下后掌濟之以寬仁因諫曰上已有衆正好  
積德不可暴怒致殺死者冤枉活人性命乃子孫之福國祚





上初渡江時后嘗謂上曰今豪傑並爭未知天命所歸以  
 妾觀之惟以不殺人為本人心所歸即天命所在上深然  
 之及冊為后上謂侍臣曰昔光武勞馮異曰倉卒蕪蕪亭  
 豆粥滹沱河麥飯厚意久不報朕念皇后起布衣嘗倉卒  
 自忍飢餓懷糗飴食朕比之豆粥麥飯其困尤甚昔唐長  
 孫皇后當隱太子構隙之時能上盡孝謹承諸妃消嫵釋  
 疑朕素為部氏所疑徑情不恆將士或以服用為獻后輒  
 先獻部氏慰悅其意及欲危朕后乃為寬解卒免於患尤  
 難於長孫皇后者朕或曰服御詰怒小過輒勸朕曰主忘  
 昔日貧賤耶朕為惕然家之良妻猶國之良相豈忍忘之  
 罷朝日以語后后曰妾聞夫婦相保易君臣相保難妾安  
 敢比長孫皇后但願陛下以堯舜為法耳



中山王徐達



武寧王疾亟太祖幸其第至榻前問之占二句曰聞說君王鑾駕來一花  
 未謝百花開蓋諷待用英賢之衆戀主之思乎執聖手不放上曰卿欲朕  
 緊掌山河達就榻上叩頭勉主之忠乎嗚呼君臣始終兩得之矣



字天德鳳陽人少有大志仗劍從明太祖為大將軍與常  
遇春平定天下功居第一而達尤不嗜殺時時以王霸之  
略進上故能創非常之業史稱達廉靖仁武沉幾筭勝即  
古名世之佐不過焉又能恂恂恭謹以功名終封魏國公  
卒追王謚武寧

開平王常遇春



遇春下韜不戮一人太祖手書曰予聞仁者之師無敵非仁者之將不能行  
也今將軍破敵不殺是天賜將軍隆我國家千載相遇非偶然也予甚為將軍  
喜雖曹彬下江南何以加



字伯仁定遠人有膽力猿臂善射先後劉聚見其擄畧無  
 大志乃歸明太祖初未許采石之戰飛躍先登遂見信任  
 副徐達平四方定中原出則摧鋒退則殿後未嘗敗北功  
 居最封鄂國公卒追王諡忠武



岐陽王李文忠

北征患渴忽所乘馬以足跑地泉隨湧出三軍賴之  
 為文以祭



字思本盱眙人明太祖甥年十二依舅冒姓朱領軍征討  
有功封曹國公復李姓文忠智力過人臨戰身先士卒及  
戰勝必以功推下故數為大將輒樹偉績敵詩說禮恂恂  
有儒者風卒追王謚武靖

寧河王鄧愈



愈為人簡重慎密不憚危苦行政軍中民間婦女步步率勿敢虜掠地方為之服  
悅授祿三千石



字伯顏虹人年十六能代父領眾保鄉里以敢戰摧敵名  
建勳方畝勞動汗馬兵興大將早貴惟愈年二十八積功  
為行省平章位次丞相而事上宸恭順詳敏應鎮八州有  
功無過封衛國公追為王謚武順

三吳悉定除御史大夫賜誥有云麾精騎于滁和渡義旗于姑孰金陵地  
關明開日月之衢鐵甕城環險據江山之境又云載嘉骨鯁之貞誠若鷹鷂  
之搏擊二年封中山侯上稱為熊虎之將卒追封王



東甌王湯和



權  
字鼎臣濠人身長七尺餘有智略精騎射是時諸將與上  
等彘驕莫肯下和長上三歲獨謙恭謹執部曲禮征討四  
方功業爛然史稱諸將不善居功或以嫌疑獲罪和獨顯  
融令終為明哲云封信國公謚襄武



黔寧王沐英



英有功十年封西平侯十四年生擒達里麻于曲靖雲南梁王懼先縊其妃自投水死廿  
二年入朝上宴之奉天殿廿五年卒追封黔寧王



英定遠人八歲父母歿太祖子之冒國姓賜名文英屢從  
征討與諸將平定有功開滇土留鎮其地上撫英背曰乃  
使我高枕無南顧憂懿文太子薨英聞哭嘔血遂中風卒  
生平喜讀大學衍義通鑑經目諸書手不肯釋封西平侯  
謚昭靖沐其賜姓也

韓國公李善長

長以布衣能識太祖委身戮力贊成鴻業遂得剖符開  
國列爵上公乃至富極貴何末年望惟庸之死明年有  
郎中王國用上言善長與陛下同心  
出萬死以取天下功臣第一生封  
公死封王人臣之分極矣即令欲  
自圖不軌尚未可知而今謂

其欲佐惟庸者則  
大謬矣况子祺  
尚公主拜駙  
馬誠陛下之  
骨肉善長  
與惟庸弟



之親也即使善長佐惟庸成不過勳臣第一而已矣太師國公封王而已矣尚主  
納妃而已矣寧復有如今日且善長豈不知天下之不可倖取凡為此者必有深  
讐相挾若謂大象告變大臣當災殺之以應天象尤不可臣恐天下聞之功如善  
長者且如此四方目之解體也願陛下作戒將來耳太祖得書不罪



字伯室定遠人明太祖初起兵善長被儒服道謁上聞其長者禮之與語取天下大計意合收為掌書計積資至右相國軍機進止章程賞罰十九取善長處分師行善長必晉守雖鮮汗馬功然給食不乏其功大比於漢之蕭何焉

穎國公傅友德


德破關取城不勝其數直可謂百戰之驍將也太祖製平蜀文盛稱功居第一然為請懷遠田一事帝不悅後賜以死至嘉靖元年雲撫何孟春請立祠祀之詔可名曰報功





宿州人初附王珍再從友諒知其無成來歸明太祖與遇  
春稱二虎將降王破國拓地斬將功烈不在常李下初封  
穎川侯既而平蜀陝平滇粵清沙漠進封公

彭蠡湖大戰時伯溫多手麾之連聲呼曰難星過可更舟太祖如其  
言而更之坐未半晌舊舟已為敵砲擊碎矣然勝負未決伯溫密言  
於太祖曰可移軍湖口期以金木相尅日決勝太祖從之遂平陳氏



誠意伯劉基



字伯温青田人少穎悟通經術及天官陰符家言西蜀趙  
天澤竒之以為諸葛孔明之流嘗見異雲起指友曰天子  
氣也應在金陵十年後我必為輔太祖下金華使孫炎來  
聘自是參贊幃幄策畫有功每曰先生吾子房也以鮮封  
受伯爵賜誥有曰渡江策士無雙開國文臣第一謚文成

營國公鄧瑩



英雄勇異常論功將進河南都指揮使也賜白金二十畧廐馬二十匹命英女弟寧妃饒於弟  
後有御史裴承祖劾私養家奴五十人又擅殺男女五人帝弗問永樂間卒年六十七孝  
友通書史行師有紀律之風以忠謹見親於太祖又以寧妃故恩寵尤渥諸功臣莫敢望焉



濠人父山甫遇太祖微時曰僕相人多足下天表特殊他日富貴毋相忘語子弟曰吾視若輩皆堪秉珪定以此人矣英性孝友喜讀書通百家言垂髫預侍衛後征伐屢建奇績嘗救駕於薊變中上褒曰尉遲敬德不汝過大小數百戰身被七十餘創前後俘斬人馬一十七萬餘未嘗有侈心封武定侯永樂時封公


鐵冠道及張中



中見太祖賜聖問曰子下豫章兵不血刃此邦之人其少息乎對曰未也且夕此地當流血廬舍燬且盡鉄柱觀僅存一殿耳未幾指揮康泰反如其言



**權**  
 字景和臨川人舉進士不第得異傳談人禍福多驗太祖  
 召問言明公龍瞳鳳目狀貌非常若神煥發如風掃陰翳  
 即受命之日也戰都陽上令望氣決休咎中曰友諒中流  
 矣死矣其下未覺請為文以祭使人持進笑之彼眾氣奪  
 吾事濟矣上如其言敵果潰相徐達曰公兩顴赤色目光  
 如火官至極品惜僅得中壽耳達果五十四薨他如決南  
 昌之勝負識藍玉之不忠卒多奇中一日自投大中橋下  
 死上亟令覓其屍不獲未幾潼關臣馳奏道人杖策出關  
 計之正投橋日也



大海初從太祖為前鋒累功遷樞密院判降將沈勝復叛海擊敗之  
 生擒四千餘人常與呂珍戰信有折矢誓許之譽用兵行政人皆服  
 其威信及被害聞者無不流泣



越國公胡大海



字通甫虹人長身鐵面膂力過人從征所至克捷命守婺州為叛軍所刺遂屢顯靈異每夜出兩目有光灼灼如炬師出果捷後獲賊命刺血以祭故功臣大海位第一謚武莊嘗曰吾行兵惟三事不殺人不擄婦女不焚廬舍有祭征虜之風

翰林孝士承旨宋濂

外和而神融內充而面腴衣冠雖晉人之風氣象實宋儒之懿夫其知言以窮天下之理養氣以任天下之事隱則如虎豹之在山出則類鳳麟之瑞世後乎千載而有存立乎兩間而無愧此蓋古君子之所難然吾謂斯人之必至





字景濂號潛溪浦江人生九歲能詩歌稱神童及長有文  
名太祖徵至金陵問世亂若何對曰願明公不嗜殺人授  
太子經天下既定凡郊廟山川祠祀律曆禮樂諸禮大政  
皆濂裁定上曰濂事朕十九年口無毀言身無飾行寵辱  
不驚始終不異可不謂君子人乎

德慶侯廖永忠

太祖親書牌賜額之曰功起群將智邁雄師





永安弟巢人史贊永忠才氣豪爽計謀宏遠殲友諒繫士  
誠服國珍擒有定靖兩廣縛明昇誠開國元勳也論功當  
封公太祖謂其使所善儒生窺上意止封侯



恊  
津郎冷謙

世傳謙畫酷似李昭道有仙奕  
圖天目山圖人多見之



字啓敬武陵人初與劉秉忠從沙門海雲遊又交趙孟頫  
 博學精易數百家方術靡不洞習嘗於故相史彌遠家觀  
 李思訓畫深契之遂精畫明初年百餘歲貌如童顏仕太  
 常博士協律郎奉命定樂凡樂章皆譙謨有友貧譙於鐸  
 間畫一門令友入取金帛不覺遺其引他日庫失金拾引  
 以跡捕之研實尋名譙竟莫得

吉安侯陸仲亨



仲亨自從征以來汗馬之勞功位亦高而何以使太祖怪其居貴位而有憂色



濠人少負勇畧未冠從征矢天自效不敢愛生殲友諒奮  
勇先登取贛平廣積功封侯坐惟庸黨上諭執法者曰朕  
初起兵仲亨年十七喪親避亂持一升麥葺草間朕呼來  
長育成就為吾肱股心腹吾不忍罪其勿問

宋國公馮勝

勝雄勇多志畧喜讀書通兵法元末亂結寨  
自守後歸太祖





初名國勝又名宗異後名勝定遠人生時黑氣滿室經日不散為大將積五甲霜刃者家久史稱其內除肘腋之患外建爪牙之功予定中原佐成混一



濟陽侯丁普郎

康郎山戰死者三十五人以丁普郎為首祀



普郎驍勇超異初為友諒守小孤山率所部來降帝置軍  
中屢從征有功癸卯秋大戰康郎山五晝夜身被十餘創  
首截猶植立不仆執兵若戰鬪狀贈濟陽侯

姑熟郡公陶安



公知饒州太祖嘗賜詩云匡廬巖穴甚濟水恠無端盈彭蠡鱉魚  
因韓去遠洋陶安鄱陽即一理未幾入朝民為懷德之歌後召入大  
學士賜誥云江南之士杖策謁于軍門者陶安實先乃者開翰苑以  
崇文治立學士者以冠儒英重道尊賢莫先于爾率上親製文遣使  
祭之



字主敬當塗人外朴而內穎博通經史濂洛之學為文純雅疏魯明太祖下太平與耆儒李習迎見留參幕府與劉宋章葉四公共事贊取金陵為翰林學士知制誥以文章潤色王猷禮制多安裁定上榜其門曰國朝謀畧無雙士翰苑文章第一家守饒黃叅政江西多政績民生祠之卒贈公

濟國公丁德興

興從取洪山寨以百騎破賊數千盡降其眾奉使太湖口絕餉士誠後從大將軍收淮東征浙西大敗士武兵於蕪館下湖州圍平江後卒年近封公





定遠人上偉其才貌以黑丁呼之屢立戰功克破州郡史  
稱德興沈勇仁信不妄殺不矜功上每與諸將論征伐至  
難處曰必得黑丁乃可其見重如此圍蘓州卒於軍

### 江國公吳良


良雄偉剛直仁恕儉約  
聲色貨利一無所好訓將  
練兵常如寇至暇則延儒生  
講論經史新學宮立社學大開  
屯田均徭省賦在境十年封疆宴  
然太祖常曰吳良之功車馬珠玉不足  
旌其勞也





定遠人初名國興賜名良兄弟俱以材勇稱能沒水偵探  
屢從征伐有功鎮江陰威挫士誠馭將士不妄刑殺夜宿  
城樓枕戈警備上勞之曰吳院長保障一方吾無東顧憂  
嘗命宋濂等為詩文以美之又比之曰吳起討廣西不數  
月盡平其地封江陰侯卒贈公

周顛



太祖命顛寄食山僧寺已而僧來訴顛與沙彌爭飯怒而不食半月太祖  
往視了無飢色閉空室中絕粒累月容顏如故



建昌人年十四患顛疾行乞南昌見人輒曰告大平上駕  
至南昌顛謁道左隨之金陵帝厭之命覆以巨釜積薪焚  
之火滅揭視寒氣凜然征九江與俱行舟苦無風以問顛  
顛曰只管行有風無膽不行便無風衆挽舟不三里迅颺  
猛作後不知所之壬申上患熱症醫者弗效有赤脚僧詣  
闕言周顛遣來進藥曰溫涼藥兩片溫涼石一塊服之果  
愈蓋丹砂菖蒲云命跡顛再不復見上親為製傳

誦國公俞通海

士誠兵暴至諸將欲退海曰不可彼衆我寡退則情見不如擊  
督戰敵以為通海也不敢逼徐解由是一目雖眇亦能縱火焚友諒之舟功蓋



甚大師還賜良田金帛明年拜中書省平章事後圍平江得戰疾歸金陵太祖  
幸其第問曰平章知子來問疾乎海不能語太祖揮涕而出翼日死太祖親吊之



字碧泉巢人元末與父弟結寨自守同歸太祖時欲渡大江得俞等水軍獲濟大喜從征立功甚多破友諒其首功也征士誠中流矢卒追封豫國公改稱謚忠烈

南陽郡 樊 瑗

臨難不屈





字景淵麗水人元末從叅政石抹宜孫守處州時葉賢三等  
 等並亂琛為畫策捕斬之山寇以次剪滅授元帥明兵下  
 處州來降胡大海以琛偕劉基送之建康命佐鄧愈守洪  
 都祝康之變愈脫走琛被執大罵不屈死之追贈侯

東北郡侯巷雲育後

雲死妻郗氏泣語家人曰城破吾夫必死吾豈獨生然不可使花氏無後也  
 付兒與孫氏云當善育之郗赴水死孫抱兒被掠至九江復投魚舟及漢軍  
 敗奪舟棄於江中得浮斷木入葦中得以蓮實哺兒七日不死忽夜半有渙  
 父雷老呼之同行得達太祖所孫抱兒泣見太祖亦泣寔見膝上曰此將種也  
 贈郗氏貞烈夫人孫安人





懷遠人貌偉而驚驍勇絕人明太祖俾將兵畧地所至輒  
勝嘗駙上單騎先行遇賊數千於道雲翼上拔劔衝陣而  
進後兵至竟以此克滁守太平乏食友諒率衆陷城被縛  
雲奮身大呼縛盡解奪守者刀連殺數人賊衆擊其首叢  
射之至死罵不輟妻郤氏赴水死



高成 孫韓成

史稱成有紀信之風



虹人有勇略從上舉義率先戎陣鄱陽之戰至馬家渡上  
 舟膠滯穀衆薄急欲得甘心衆無所措成奮然曰聞古人  
 有殺身成仁者成不敢辭遂服太祖冠帶袍服對穀入水  
 死會援至得脫上追悼贈安遠將軍建忠臣廟祀之位第  
 一

鄧國公 馮國用



用謂太祖曰  
 金陵龍蟠虎踞真帝王都也願先拔金陵定鼎然後命將四征掃除  
 群寇救生靈於水火勿貪子女玉帛倡仁義以收人心天下不難定也



滕兄貌軒雅饒智略太祖至妙山國用儒服詣軍門曰書  
 生上六字上延之上坐乃曰有德昌有勢強建康帝王之  
 都其帥弱宜急下其城據以號召四方倣仁義勿貪財色  
 天下不難定也上奇之進止機宜皆預裁焉攻戰輒擐甲  
 直前克滁州手獲其帥蓋文武全才也屬疾卒贈公

五  
 夏 孫 周 德 興




興與太祖同里相從累戰皆得大功何末年奉使  
 東西奔馳其後節制鳳陽留守司并訓練屬衛  
 軍士諸勲臣存者德興年最高



濠人精騎射從太祖渡江征戰有功拜征南將軍五溪蠻  
亂德興請討且示矍鑠狀上壯而遣之賜書有云古忠  
臣盡智勇勛力之所能及禦災捍患終其身而後止若充  
國馬援輩謂不可復見今卿奮然請行忠勤之志見矣至  
則蠻人震疊果潰

翰林李士王禕

上疏曰臣聞人君脩德之要有二忠厚以存心寬大以為政  
二者德之大端也是故周家以忠厚開國故能垂八百年之  
基漢室以寬大為政故能立四百年之業簡冊所載不可誣也





字子克義烏人幼竒穎師事黃縉受太祖徵聘上曰吾固  
知浙東有二儒卿與宋濂耳學問之博卿不如濂才思之  
雄濂不如卿屢疏獻納皆切治道脩元史力任筆削奉命  
至雲南諭梁王被害命祠祀之初謚文節後改謚忠文



永國公薛顯

勇能降將得兵常將軍亦稱之



沛人守南昌友諒圍其城顯突陣斬其平章劉進昭擒樞副趙祥穀乃退從征吳五太子來援常將軍戰稍却顯奮擊大破之太子勇悍既破李暹呂玘雖善戰亦降得兵六萬士誠為之奪氣常曰今日之戰吾固不如也大將軍此伐上以顯勇命領兵獨當一画遂克之封永城侯以性剽忍好殺特摘懲之卒贈公謚桓襄

蔡國公張德

太廟有子襲世券

勝

勝才畧雄邁征戰甚廣禽也先破海牙收長鎗攻宜興取馬馱諸寨以戰卒肖像於功臣廟侑享





字仁甫合肥人自巢湖以舟師來歸擒也先父子克鎮江友諒犯龍江伏兵戰大捷降其將張志雄等追至采石復大戰歿於陣年三十二贈公謚忠毅

安遠侯蔡遷



遷為將十五年未嘗獨任多從諸將征討經數十戰敵皆莫敢當及卒詔歸葬京師上親製文祭焉



不詳其鄉里元末從芝蔴李李敗歸明太祖以為先鋒每  
戰輒奮力獨出橫刀突陣敵皆披靡不敢近既還金瘡徧  
體人不能堪而遭不為意賦性寬怡尤善處友上甚愛重  
稱其智能率眾勇足前驅親冒矢石體無完膚贈侯謚武  
襄

御史中丞章溢




章溢始生其音如鐘父母疑為不祥及成童疑為莊重不習鄉井輕環態至正  
間携姪存仁避亂為賊所執公計曰吾兄止有此子况幼無知我能願代賊湏  
感得免害康子太祖徵至嘗賜龍涎酒玉籐杖平生嘉言善行不可勝紀



字三益龍泉人明初與劉宋葉同徵至上曰我為天下屈  
四先生問四海何時定溢對曰唯不嗜殺人者能一之上  
悅溢孝友善決策屢平劇賊衛鄉里威望素著及帝以儒  
召乃為王家戮力招携伐叛以武功顯喪母悲戚過度營  
宅兆親自負土感疾卒

泗國公耿再成


從太祖救六合誘敵元兵大敗之守揚州取金華為前鋒持軍嚴卒出入民間蔬  
果無所損後成死賜茶菓山園地一千七百畝為祀





字得甫五河人歸明太祖立功滁泗和陽陞元帥克金華  
屯縉雲苗帥叛再成方與客飲聞變上馬迎賊被刺大罵  
不絕而死謚武莊

蘄國公康茂才




茂才通經史大義事母至孝從征持計滅友諒功蓋不淺甚為太祖喜賜  
賚亦厚從軍征西取興元還軍道卒有子十歲以父功封蘄春侯



字壽卿蘄州人有志事功率所部來降經畧中原從定齊  
魯取汴下洛其功最鉅茂才善撫綏招徠絳解諸州之人  
屏蔽潼關秦人不敢東向謚襄武

陝國公郤子興



興初從滁陽工郭子興身隸麾下太祖在甥館興歸心焉後累功授管軍總管  
進統軍元帥友諒連巨舟於鄱陽以火攻計皆興所獻



一名興濠人為太祖定金陵圍常州晝夜不解衣甲生蟻  
蟲征武昌濼五馳戰每裏創力戰勇銳無敵然每戰無失  
史稱智將卒封公謚宣武

丹陽侯男孫炎

害時年四十

史稱炎談辨風生雅負經濟當時可表官授池州  
同知進華陽知府擢行省都事充慶州授總制遇





字伯融句容人面如黑鐵一足雖跛無書不讀少與夏煜  
丁復稱詩於時每以經濟自負太祖渡江召見首請延攬  
賢士以成大業上偉之辟行省掾總制處州奉命招劉基  
不肯出貽孫寶劔炎以劔當獻天子人臣不敢私作歌還  
之乃出降苗再叛以燭鷹斗酒歌炎炎拔劔斬鷹舉卮罵  
賊賊持刀晚炎炎飲自若遂遇害贈男

梁國公趙得勝

史稱趙得勝剛直沉  
鷲不但軍機活法合  
古而平居篤孝友如  
修士不過耳





德勝太祖所賜名鍾離人母在滁陽棄妻子來歸為戰將  
馭下嚴肅號令一新旗幟改色未嘗讀書隨機應變智略  
如神守南昌為敵弩所中歎曰命也如何恨不能從上掃  
清中原耳贈謚武莊配享廟庭位第八

右副都御史韓宜可



可為陝西按察司僉事時官吏有罪者笞以上悉謫屯鳳陽至萬數宜可疏  
爭之曰刑以禁淫慝一民軌宜論輕重事之公私罪之大小今悉謫屯此小人  
之幸君子殆矣乞分別以協重心帝可之



字伯時山陰人拜御史持風紀甚振陳寧胡惟庸涂節方  
 侍聖宴語宜可直前長跪劾三人奸險請斬之以謝天下  
 上雖怒然心善其言後聖事將刑天正朗忽震雷遶殿上  
 曰非枉此人乎趨免之雷乃息卒時大星墜地櫪馬皆驚  
 生平峭厲可畏而緣情酌法要歸平恕上屢為之威霽云

黔國公吳復



復從征諸蠻十八洞平七百房諸寨斬獲萬計轉餉盤江是年金瘡發卒于  
 普定有買妾楊氏年十七視復殮畢沐浴更衣自經死封貞烈淑人



字伯起合肥人沉摯寡言笑平居恂恂至臨陣奮發無堅  
不潰攻鎮江斬元將守沔陽縛任亮克河州拔南鄭從友  
德平蜀湯和平九溪再征土蕃殺蠻寇封安陸侯卒贈公  
謚威毅

功多不矜有戰輒舉

淮安侯華雲龍





定遠人善劍術元末歸明太祖克金陵破廣德戰周有湯  
元帥者善梨馳刺雲龍即運劍一舉斲其梨擒之陞副元  
帥自後每戰皆與勞績甚多

樂浪公濮真



真卒表其門追封後子璵甫方生數月襁褓中封為西涼侯年幼因趨朝為多  
士蹋傷母夫人以聞上命御用監鑄一王字牌懸璵冠上每朝使人知所遜避  
上惜節臣之愛眷顧後人如此



鳳陽人秉性忠勇與大將軍進兵中原及關陝皆有功統  
兵討高麗入被執王愛其勇欲以兵脅之真大罵責之且  
曰爾不知大丈夫有志心豈爾屈耶即剖以示之遂死王  
大懼乃遣人入朝謝罪太祖曰濮真當危難秉義不屈志  
節可嘉表其門曰班超羣將志邁雄師贈封公



驍騎舍人郭德成

成醉出官門脫鞵露金此酷酒人豈能為之



皇朝通志

子興弟以酒自放上授以都督力辭不受上變色曰朕念爾親且兄弟皆侯爾獨未顯故俾爾職何辭為德成泣曰臣性愚懶耽酒嗜卧不識事情緩急倘位高資重職事不理上殺我也人情不過多得錢飲美酒足了一生喜願卒賜上曰人皆若是吾刑可措矣立賜黃封百罌金彩稱是一日侍宴後苑免冠謝上見其髮禿落且盡笑曰醉風漢毛髮如此非過酒耶德成仰首曰臣猶厭其多欲盡剃始快上嘿然既醒懼觸忌諱遂披剃為僧唱佛不已上笑謂寧妃曰前謂汝兄戲言乃實為之非風而何黨事起死者相屬德臣以狂酒壽終

皇朝通志

皇朝通志



